

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj 7/10 i 3/23) i člana 60. stav (2) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 112. sjednici, održanoj 12.01.2026. godine, d o n o s i

ZAKLJUČAK

I.

Usvaja se Izvještaj o realizaciji Programa utroška namjenskih sredstava prikupljenih od naknade za zakup sportsko-privrednih lovišta za 2025. godinu-Izvor 30, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/26
Datum, 12.01.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**IZVJEŠTAJ O REALIZACIJI
PROGRAMA UTROŠKA NAMJENSKIH SREDSTAVA
PRIKUPLJENIH OD NAKNADE ZA ZAKUP SPORTSKO-
PRIVREDNIH LOVIŠTA ZA 2025. GODINU-IZVOR 30**

ZENICA, januar 2026. godine

UVOD

Vlada Zeničko-dobojskog kantona Odlukom, broj: 02-11-4959/25 od 14.03.2025. godine je usvojila Program utroška namjenskih sredstava prikupljenih od naknade za zakup sportsko-privrednih lovišta za 2025. godinu-Izvor 30 (u daljem tekstu: Program), kojim su planirana sredstva u iznosu od 29.000,00 KM (slovima: dvadesetdevet hiljada i 00/100 konvertibilnih maraka). Navedena sredstva ostvarena su u Budžetu Zeničko-dobojskog kantona po osnovu prikupljenih naknada od zakupa za korištenje sportsko-privrednih lovišta na području Zeničko-dobojskog kantona, koja pripadaju Ministarstvu za poljoprivredu, šumarstvo i vodoprivredu u procentu od 60%, na ime zakupnine za lovnu 2024/2025. godinu, iznosa nerealizovanih sredstava iz prethodnog perioda i zakupnine na osnovu godišnjeg plana gospodarenja mrkim medvjedom za lovnu 2024/2025. godinu. Udruženja/Lovačka društva Zeničko-dobojskog kantona su u I kvartalu 2025. godine uplatila iznos od 16.918,88 KM, shodno članu 37.a stav (4) i (5) Zakona o lovstvu („Službene novine Federacije BiH“ broj: 4/06, 8/10 i 81/14) i zaključenim Ugovorima o dodjeli sportsko-privrednih lovišta u zakup na period od 10 (deset) lovnih godina. Navedena sredstva su u Budžet Zeničko-dobojskog kantona uplaćena u iznosu od 60% od planiranog godišnjeg prihoda od odstrjela divljači, koja se koriste za unapređenje lovstva, kao i za druge obaveze propisane članovima 37.a i 51. Zakonom o lovstvu („Službene novine Federacije BiH“, broj: 4/06, 8/10 i 81/14).

Programom je opredijeljeno da će se sredstva utrošiti za finasiranje/sufinansiranje projekata Udruženja/Lovačkih društava koji sa Ministarstvom imaju zaključene ugovore o zakupu sportsko-privrednog lovišta na područja Zeničko-dobojskog kantona, uz obavezu da Ministarstvo za poljoprivredu, šumarstvo i vodoprivredu raspiše javni poziv.

Dana 05.05.2025. godine na web stranici Zeničko-dobojskog kantona objavljen je Javni poziv.

U vezi sa članom 60. stav (2) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), Ministarstvo za poljoprivredu, šumarstvo i vodoprivredu je izradilo izvještaj o realizaciji Programa.

UTROŠAK SREDSTAVA

U skladu sa Programom, Rješenjem Ministra Ministarstva za poljoprivredu, šumarstvo i vodoprivredu Zeničko-dobojskog kantona, broj: 05-22-876-7/25 od 01.07.2025. godine, imenovana je Komisija koja je provela javni poziv i prema kriterijima utvrđenim pod tačkom VII Programa, konstatovala da je do ostavljenog roka po Javnom pozivu pristiglo 9 (devet) prijava od kojih je 5 (pet) prijava ispunjavalo formalno pravne uslove tražene Javnim pozivom, nakon čega je izvršila bodovanje prijava-projektnih prijedloga i o tome sačinila Izvještaj.

Nakon okončanja navedenih aktivnosti, Ministar Ministarstva za poljoprivredu, šumarstvo i vodoprivredu Zeničko-dobojskog kantona je utvrdio Konačnu rang listu uspješnih projekata za finansiranje/sufinansiranje u skladu sa raspoloživim sredstavima kako slijedi:

NAZIV PROJEKTA	Naziv korisnika lovišta	Sveukupan iznos sredstava (zakupnina za lovnu 2024/2025. godinu, nerealizovana sredstva iz prethodnog perioda i zakupnina na osnovu godišnjeg plana gospodarenja mrkim medvjedom	Kriteriji za dodjelu sredstava od naknada za zakup sportsko-privrednih lovišta sa bodovnom listom sačinjenom na osnovu kriterija						Ukupan broj bodova	RANG
			Visina uplaćene zakupnine	Finansiranje/sufinansiranje izgradnje lovno-uzgojnih objekata-pojila	Finansiranje/sufinansiranje izgradnje lovno-uzgojnih objekata-hranilišta	Nabavka hrane za dodatnu prihranu divljači	Nabavka tehničkih repelanata radi smanjenja šteta od divljači	Nabavka hemijskih repelanata radi smanjenja šteta od divljači		
Poboljšanje prehrambene osnove u lovištu i nabavka dodatne količine hrane za prehranu divljači	Udruženje Lovačka organizacija „ZMAJEVAC“ Zenica	6.144,67	7	-	-	6	-	-	13	1
Unapređenje lovstva na području lovišta LO „KLEK“ Zavidovići- Nabavka dodatnih količina hrane	Lovačka organizacija „KLEK“ Zavidovići	4.560,00	6	-	-	6	-	-	12	2
Prehrana i prihrana divljači u lovištu Zvijezda“, Vareš	Lovačko društvo „ZVIJEZDA“ Vareš	3.284,78	5	-	-	6	-	-	11	3
„Prehrana divljači“	Lovačko društvo „KISELJAK“ Tešanj	1.843,20	4	-	-	6	-	-	10	4
„Prehrana divljači“	Udruženje Lovačka organizacija „SRNDAC“ Doboj Jug	384,00	3	-	-	6	-	-	9	5
UKUPNO		16.216,65								

Prema tome, od ukupno planiranih sredstava u iznosu od 29.000,00 KM, Odlukom Vlade Zeničko-dobojskog kantona, broj: 02-11-16430/25 od 04.09.2025. godine (u daljem tekstu: Odluka) odobren je iznos od 16.216,65 KM, korisnicima koji su ostvarili pravo za finansiranje/sufinansiranje projekata iz oblasti lovstva za 2025. godinu, kako slijedi:

Rb	Naziv udruženja	Općina/Grad	Kandidovani projekt	Odobrena sredstva (KM)
1.	Udruženje Lovačka organizacija „ZMAJEVAC“	Zenica	Poboljšanje prehrambene osnove u lovištu i nabavka dodatne količine hrane za prehranu divjači	6.144,67
2.	Lovačka organizacija „KLEK“	Zavidovići	Unapređenje lovstva na području LO „KLEK“ Zavidovići-Nabavka dodatnih količina hrane za prehranu divljači	4.560,00
3.	Lovačko društvo „ZVIJEZDA“	Vareš	Prehrana i prihrana divljači u lovištu „Zvijezda" Vareš	3.284,78
4.	Lovačko društvo „KISELJAK“	Tešanj	Prehrana divljači	1.843,20
5.	Udruženja Lovačka organizacija „SRNDAĆ“	Doboj Jug	Prehrana divljači	384,00
	UKUPNO:			16.216,65

Odobrena sredstva u iznosu od 16.216,65 KM, Udruženja/Lovačka društva će namjenski utrošiti, shodno kandidovanom i odobrenom projektu s ciljem dodatnog unapređenja lovstva na području Zeničko-dobojskog kantona, unosom dodatnih količina hrane u lovište u cilju smanjenja nastanka šteta od divljači na poljoprivrednim kulturama, nasadima jagodičastog i koštuničavog voća, stoci i dr.

Navedena sredstva uplaćena su na transakcijske račune Udruženja/Lovačkih društava, koja su u skladu sa članom 4. Odluke dužna do 31.03.2026. godine, Ministarstvu za poljoprivredu, šumarstvo i vodoprivredu dostaviti izvještaj o namjenskom utrošku odobrenih sredstava, shodno članu 59. stav (3) Zakona o izvršavanju budžeta Zeničko-dobojskog kantona („Službene novine Zeničko-dobojskog kantona“, broj: 25/24, 6/25 i 12/25).

Akt pripremila:

Amira Jusufbašić

MINISTAR

Jasmin Čajić